

燕石

燕石

熱河日記目錄

閏內程史

燕岩集

熱河日記四

閔內程史

起庚子止庚戌凡十一日自山海關內至皇京共六百四十里

聖上四年庚子

清乾隆四十五年

秋七月二十四日庚子晴

是日處暑自紅花鋪至范家庄二十里中火范家庄

至湯河堤三里大理營七里王家嶺三里鳳凰店二

里望河店八里深河驛五里高鋪臺八里王家鋪二

里馬棚鋪七里榆閔三里共四十八里是日通行六

十八里宿榆閔或稱渝閔今臨渝縣閔內風氣絕異

閔東山川明媚曲、堪盡自紅花鋪始有墩臺五里

一墩或十里一墩制皆正方高五丈上置屋三間傍

豎三丈旗竿臺下置屋五間牆上列旌弓鞭矢服標
鎗火砲屋前列揸刀鎗鈎戟凡舉燧望烟事目列書
貼壁

二十五日辛丑晴自榆關至榮家庄三里上白石舖
二里下白石舖三里吳家塋三里撫寧縣九里竿腸
河二里午哩舖三里蘆家庄二里時哩舖三里蘆峰
口五里茶棚庵五里飲馬河三里背陰堡三里共四
十六里中火自背陰堡至獲聖店八里要站五里獐
子營三里部落嶺六里蘆龍塞三里驢槽十三里漏
澤園三里永平府二里共四十三里是日通行八十
九里宿永平府行過撫寧縣山川漸益開朗城裡街

坊家、金扁玉音牌樓處、輝映路右一門下副三房下隸持轡留屯乃徐進士鶴年家也副使書狀方在此觀玩云余遂下馬進去其家舍僭侈鬼玩瑰奇誠如前聞鶴年十數年前歿而有兩子長若芬次若信若信頗有文筆選八四庫全書繕寫之役方在皇京獨有若芬在家文筆極短滿堂刻揭果親王阿克敦子敏中鄂爾恭皇三子皇五子詩俱以興京祭官道出此中多歷宿留詩而去于敏中阿克敦俱稱海內名筆而視果親王不啻異下其寢室楯上刻揭白下尹判書厚七絕一首尹外楯上刻揭曹叅判命米次尹詩尹公我東名筆也一點一畫無非古法而天

才華娟如雲行水流穰纖間出肥瘦相稱而今在諸
筆不無間然者何也大抵我東習字者未見古人墨
蹟平生所臨只是金石金石但可想像古人典刑而
其筆墨之間無限神情已屬先天雖髭髯佛體勢而
觔骨強果都無筆意濃為墨猶焦為枯籐此無他石
刻鐵畫習與性成又紙筆尤異中國古稱高麗白礪
紙狼尾筆特為異邦故宗而名之非為其能佳於書
也紙以洽受墨先善容筆態為貴不必以堅韌不
裂為德徐謂高麗紙不宜畫惟錢厚者稍佳其不
見可如此不礪則毛荒難寫搗練則紙面大硬滑不
留筆堅不受墨所以紙不如中國也筆以柔婉調剛

隨腕同力為良不可以勁剛尖銳為賢所以中國良
筆必稱湖州皆用羊毫不雜他毛羊比他毛最柔軟
柔故不禿入紙則美墨隨意如孝子之先意承奉所
謂狼尾尤為訛謬吾不識狼為何獸又安得其尾哉
此禮鼠俗名擴去其犬傍且省广頭所謂黃筆是也
常舍強悍怒礫之意如恣意東西之頑童所以筆不
如中國也紙筆既如此乃研安東馬肝之石磨海州
厚漆之墨臨羲之筆陣之序三過折筆瘦骨犖確童
習白紵亦復何哉其後堂僻靜蕭灑頓忘塵囂有降
真香卧榻、上所鋪有非匹夫可居架上所置書經
錦卷玉輶扶然排挿兩房裨將開堂亂抽環立爭展

如觀朝報如度匹練襞摺推拉飛騰果敢有崩城陷陣斬將奪旗之勢加以心忙意促難覓其長則悔其始展反咎匠手曰似此長軸用之何處不可作屏風不可作簾子或曰吾不識趣、則莫如硃紅烏桓玄之不設寒具儘是名士西壁下忽聞介馬金鼓之聲大驚回顧乃群閹鼎彝尊臺也余不勝惶恐忙步出門其上下家皆為金字扁額獨與張福歷入諸家而皆無主人轉至一宅墻下有數十竿紫竹當階一樹碧梧桐梧桐西畔有數畝方塘環池為白玉石欄干池中有五六柄蓮房欄邊有三個鵝雛堂中緇簾垂地簾內衆人喧笑余追至池邊暫倚欄干而立堂中

寂然屏息隱映從簾隙偷看余徘徊連向堂裡瞥咳
俄有一小童迤逦堂後而來遙立作揖高聲曰你老
來此做甚麼張福曰你們大主人那裡坐地何不接
應了遠客小童曰俄刻家父與舍親李公同去高麗
人處要訪貴國太醫官未回余曰你家尋醫時想應
宅裡有患我是太醫官既為此不妨診視復有真
真清心元脩此刻去尋你父公回家小童更不答應
張衣驅鵝雛入籠取欄邊釣竿鉤引池中敗葉軒々
作傘而去簾內人影可揣有七八人啾々密語復有
掩口忍笑之報徘徊久之遂轉身出門顧視張福其
髮下黑子近日稍大與趙主簿

明會

聯轡行為語撫

寧風俗不佳趙曰撫寧人方以朝鮮人為苦害徐鶴
年性本喜客初逢白下尹公開襟款接多出所有書
垂以示之自此撫寧縣徐進士之名膺炙東韓每歲
使行必為歷訪遂成舊例然其家邑中他家多勝徐
宅主人喜客遍是鶴年特尹公偶先見此有非東國
宰相所可比擬則津、艷稱是後澤輩因以徐宅為
歸者不散更煩他家添一事役也我使備帶數十雖
數丈門戶出入之際必齊拜警上一擁陞堂不識退
待者以其無板廳故也其所接待浸不如初及鶴年
歿而諸子尤苦東害每值我使屏蔽罷玩略擺摸頑
下劣之品以存舊規而已今其隣舍避匿蓋以徐家

為戒也相與大笑尹公之還以鬻技胡離連彈蓋指
此詩也言之無倫若是哉幽冀山勢扶輿磅礴太行
西來環擁燕都醫巫東馳以作後鎮龍飛鳳舞至於
角山而大斷為山海關入關以來諸山益脫大漠龐
壯之氣向南開面清秀明嫩至昌黎諸濱海之縣山
氣尤佳禹貢碣石近在縣西二十里曹操詩東臨碣
石以觀滄海者是也昌黎縣有韓文公廟又有韓湘
廟唐書本傳公為鄧州南陽人廣輿記以為昌黎人
宋元豐間封公為昌黎伯及元至元時始立廟於此
有文公塑像云吾平生夢想文公遂遍約諸人為伴
遊計而無肯行者蓋迂行二十里也有難獨往可歎

行歷東岳廟庭有五碑殿上金字題曰東岳大帝殿
中坐二位金神皆端拱整笏後殿制如前殿坐三位
女像桶娘、廟而皆頭戴冕旒到永平府城外長河
抱城遠迤地形甚似平壤而昭曠倍之而但無大同
清江耳世傳金學士元黃登浮碧樓得句曰長城一面
落、水大野東頭點、山因苦吟意涸痛哭下樓說
者謂平壤之勝兩句盡之千載無更添一句者余常
以此謂非佳句落、非大江之勢東頭點、之山遠
不過四十里耳烏得稱大野哉今以此句為練光亭
柱聯若勅使登亭一覽則必笑大野二字今永平城
樓可謂大野東頭點、山或曰永平亦箕子封地非

也永平即漢之右北平唐之盧龍塞昔之窮遠而自
遼金以來久作畿輔之地廬舍市鋪繁富倍他進士
牌額比撫寧尤盛府前縣門題曰古之右北平府後
與鄭進士開行偶入一宅方張燈刻高麗進貢焉沿
路店壁多帖此畫而皆劣畫麗搨說怪可笑紅袍者
書狀也數十年前堂下官黑豎者譯官也貌似優婆
塞口含烟竹者前排裨將也卷鬚環眼者軍牢也今
此所刻尤為麗惡面目盡似猿猴堂中共有三人而
無可語者桌上研屏高二尺餘廣一尺餘花斑石鏤
並江山樹木樓臺人物各從石紋天然為影微缺入
神以降真香為跗立之硯北有蘇州人胡應權持一

垂帖而來帖衣胡州墨鱗成堆破敗荒陋不直一錢
第觀胡生舉措真若絕世寶哥同屬擎臨開掩惟謹
而鄭君眼昏兩手牢執翻閱之際疾若風兩胡生頓
呻不寧鄭君竟卷書然擲地曰蒲齋玄齋乃胡人之
号也余笑應曰不見是面問胡生曰足下得此何處
曰晡刻貴國金相公來弊鋪賣此金相公老宗人與
俺情同嫡親兄弟俺以三兩五分紋銀收買改裝時
直不下七兩但無垂者款識願得老爺一、認題因
自懷中出硃錠一笏為幣懇求垂者小傳主人亦設
酒果大約我國書垂器什無年号又不肯書名字詩
軸所題多是江湖散人而不識何代何地何姓何人

今此卷中雖有二字別號依佛不辨為誰某則鄭君
之以譙玄為胡人無足怪也鄭君漢語甚艱且齒豁
偏嗜炒卵入柵以後所肄漢語只是炒卵猶患出口
咀嚥入耳聽瑩故到處向人輒呼炒卵二字以試其
舌頭利澁因此號鄭為炒卵公我東優戲為假面稱僕
主人即去為炒一盤而末迹涉討食相與大笑備說
其由欲贈其價主人大慚曰此非酒飯店頗有怨色
余遂略按查傍別號錄其姓名以謝之

列上查譜

二鳥和鳴嵩冲菴

金冲字元冲
明嘉靖時人

寒林卧牛圖

金瑱

石上焚香圖

李慶胤
鶴林正胤

繹竹圖

李正鶴
字仲葵石
陽正鶴
林子也

黑竹圖

上全

蘆鴈圖

李澄字子涵
舟齋
蘭林子
號虛

老仙結菰蓮潭

金明園明
天啓
閏人

烟江曉天圖

臨紙寫字圖

尹斗緒
字孝
康燕
中人

春山登臨圖

鄭欽元伯
眼掛數重
鏡燭下
作細垂
不
餘

髮電

山水圖

四幅
譚齋

四時圖

八幅
瀾齋

大隱岩 岳鄭款元伯小印 以上並有

扶杖臨水 岳趙榮柘字崇隆 同人也

渡頭暖舟 岳金允顯字克 人

金剛山 岳康正字願叔

草虫花鳥 岳八幅玄喬並有姓 名

深樹老屋 岳駱西伯尹德齋子也

白馬圖

羣鳥 岳

八駿 岳

春池洗馬 岳

刷馬 岳以並有胎西印 姓名

我

霧中睡竹畧有苗雲字並柳德尊有

雪竹畧有苗雲印

劍仙畧麟祥李麟祥字元靈等

松石畧元靈有麟祥印已未識

蘭竹畧豹菴有姜世晃字光之印

墨竹畧上全

秋江晚迹畧烟客有烟客小印

二十六日壬寅晴午後大風雷雨即止自永平府至

青龍河一里南墟庄二里鴨子河七里范家店三里

灤河二里夷齊廟一里共十六里中火自夷齊廟至

望夫臺五里安河店八里赤紅鋪七里野鷄坨五里

沙河堡八里棗庄十里沙河驛二里共四十五里是
日通行六十一里宿驛城外朝發永平府朝氣微涼
城外臨水開市而貨填咽車馬縱橫自入市中買兩
個蘋果傍有擔籠者開籠出水晶盒五個各貯一蛇
蛇皆盤結正中出頭如鼎蓋之有鈕兩目光瑩烏蛇
一白蛇一綠蛇二赤蛇一皆從盒外透看而難辨其
薨活問之則所對模糊大抵用之惡瘡則有奇效云
又有美髯弄兒弄熊諸戲皆丐子也熊大如狗舞鈕
舞鎗人立而行拜跪叩頭隨人指使而形甚醜惡其
蹺捷亦不能如猿兒鼻之戲尤巧曲解人意而行忙
不得詳觀道士二人道童一人行乞于市雲霞冠帶

眉目雅麗而手搖鈴杵口誦咒錄舉止怪妄人鬼之
間三女方東裝跑馬舟渡青龍河隰河別有夷齊廟
記隰河之舟記孤竹城記自夷齊廟先發未及野鷄
垞數里天氣暴烘無一點氛埃與盧鄭周卞後先行
語手背忽落一鍾冷水心骨俱淒四顧無廢水者又
有拳大水塊下打昌大帽簷其聲宕又墮盧竈皆撞
頭視天日傍有片雲小如蒼子殷、作碾磨聲俄傾
四面野際各起小雲如烏頭其色甚毒日傍黑雲已
掩半輪一條白光閃過柳樹少焉日隱雲中雲中迭
響如推碁局如裂帛萬柳沉、葉、縈電一齊促鞭
而行背後萬車爭驅山狂野顛樹怨木訕訕者手脚

忙亂急出油具堅不脫袋兩師風伯雷公電母橫馳
並驚不辨咫尺馬皆股栗人皆氣急遂聚馬首環圍
而立徙者皆匿面馬鬣下時掣電光中見盧君寒戰
搖擲緊閉兩目氣息將絕少焉風雨小歇兩相視
皆無人色始見兩沿廬舍不過五六十步而方共雨
時不知還焉諸人曰差遲半刻則幾乎窒死遂入店
中小憩雨快霽風日清麗小飲即發踞值副使問避
兩何處副使曰轎窓為風所落兩脚橫打無異露立
兩點之大幾如酒鉢大國兩點亦可畏也余謂季江
曰吾今日益不信史傳也鄭進士鞭馬出前而問曰
何謂也余曰項羽喑啞叱咤何如雷霆之聲史記言

赤泉侯人馬辟易數里此妄也項羽雖瞋目不如電光
則呂馬童墮馬尤非傳信皆大笑

夷齊廟記

灤河之上有小阜曰首陽山山之北有小郭曰孤竹
城門之題曰賢人舊里門之右碑曰孝子忠臣左
碑曰至今稱聖廟門有碑曰天地綱常門之南有碑
曰古今師表門上有扁曰上古逸民門內有三碑庭
中有二碑階上左右有四碑皆明清御製也庭有古
松數十株繚階白石欄中有大殿曰古賢人殿中
衮冕正坐而立者伯夷叔齊也殿門題曰百世之師
殿內大書萬世標準者康熙帝筆也又曰倫常師範

者雍正帝筆也殿中寶號多萬曆時物也柱聯曰求
仁得仁萬古清風孤竹國以暴易暴千秋高節首陽
山中庭有兩門東曰廡頑西曰立懦有兩小門左曰
盥薦右曰齊明出其門有堂曰揖遜有碑乃成化中
所建也碑後有臺曰清風有兩門一題曰高蹈風塵
一題曰大觀篆字臺上有閣曰在水之湄柱聯曰山
如仁者靜風似聖之清又曰佳水佳山孤竹國難兄
難弟古聖人臺上有兩門一題曰百代山斗一題曰
萬古雲霄 皇明憲宗純皇帝時贈伯夷曰昭義清
惠公贈叔齊曰崇讓仁惠公中國之稱首陽山有五
處河東蒲坂華山之北河曲之中有山曰首陽或云

在隴西或云在洛陽東北又偃師西北有夷齊廟或
云遼陽有首陽山雜出於傳記而孟子曰伯夷避紂
居北海之濱我國海州亦有首陽山以祠夷齊而天
下之所不識也余謂箕子東出朝鮮者不欲居周五
服之內而伯夷義不食周粟則或隨箕子而求箕子
都平壤夷齊居海州歟我東野言稱大連小連海州
人此何所攷焉門牆列刻唐宋歷代致祭之文廟之
在永平久矣或曰洪武初移建于府城東北阿景泰
時復建于此云有行宮制如姜女北鎮諸宮而守者
禁之不可見矣

灤河出長城北開平東南流經遷安縣界至盧龍塞
合灤河又南至樂亭縣入于海遼東西以河名者皆
濁獨灤河至孤竹祠下渟滙為湖其色如鏡孤竹城
在永平府南十餘里後漢郡國志曰右北平令支有
孤竹城注曰伯夷叔齊本國也河之南荒削壁斗起
其上有清風樓、下河水益清河中有小嶼、中疊
石如屏、前有孤竹君之祠、近舟祠下水明沙白野
闊樹遠臨河數十戶皆鴈影湖中漁艇三四方設網
祠下溯河而上中流有五六丈石峯名砥柱奇岩怪
石環柱攢立鴉鵲鷗鷗數十輩列坐沙中方刷羽同
舟者顧而樂之曰江山如畫余曰君不知江山亦不

知五岳江山出於五岳乎五岳出於江山乎故凡言
似如類肖若者諭同之辭也然而以似諭似者似、
而非似也昔人稱江瑤柱似荔枝西湖似西子有愚
人者復曰淡菜似龍眼錢塘似飛燕何如尔哉

射虎石記

永平府南行數十里斷隴露石睨而視之其色白其
下有碑曰漢飛將軍射虎處清乾隆四十五年秋七
月二十六日朝鮮人某、觀

二十七日癸卯晴朝乍涼午極熱自沙河驛至紅廟
五里馬舖營五里七家嶺五里新店舖五里乳草河
五里王家庄五里張家庄五里蓮花池十里榛子店

五里共五十里中火自襟子店至煙墩山十里白州窪
六里鐵城坎四里牛欄山舖四里板橋六里豐潤縣
二十里共五十里是日通行百里宿豐潤城外昨日
夷齊廟中火時為供薇鷄之蒸味甚佳沿道失口者
久矣忽逢佳味欣然適口為之一飽不識其舊例也
路值急雨外寒內壅所食未化滯在胸間一噫則薇
臭衝喉遂眼薑茶中猶未平問方秋非時廚房薇蕨
何從生得左右曰夷齊廟例為中火站必供薇蕨無
論四時廚房自我國持乾薇而來至此為羹以供一
行此故事也十數年前乾糧廳忘未持來至此闕供
其時乾糧官為書狀所棍臨河痛哭曰伯夷叔齊伯

夷叔齊與我何讐與我何讐以小人見薇薇不如
魚肉聞伯夷等採薇而食乃餓死云薇薇真殺人之
毒物也諸人者皆大笑太輝者盧叅奉馬頭也初行
為人輕安行過棗庄棗樹為風雨所折倒垂牆外太
輝摘啖其青紫腹痛暴泄不止方虛煩悶渴及聞薇
毒殺人乃大驚歸慟曰伯夷熟菜殺人伯夷熟菜殺
人叔齊與熟菜音相近一堂哄笑余居白門時為崇
禎紀元後一百三十七年三周甲申也三月十九日
乃懷宗烈皇帝殉社之日鄉先生與同開冠童毀十
人詣城西宋氏之阨屋拜尤菴宋先生之遺像出貂裘
撫之慷慨有流涕者還至城下搯腕西向而呼曰胡

鄉先生為旅酬設薇蕨之菜時禁酒以蜜水代酒盛
垂甕盆、之款識曰大明成化年製旅酬者必俯
首視盆中為不忘春秋之義也遂相與賦詩一童子
題之曰武王若敗崩千載為紂賊望乃扶夷去何不
為護逆今日春秋義胡看為胡賊坐者皆大笑鄉先
生撫然為問曰兒不可使不早讀春秋惟其不早辨
故乃為此怪談也可賦即景又有一童子題之曰採
薇不真飽伯夷終餓死蜜水甘過酒飲此亡則寃鄉
先生皺眉曰又一怪談一坐皆大笑至今已十七年
遺老盡矣復以伯夷之薇致此紛紜異鄉風燈為記
故事因失睡曉發路逢喪車柩上置白雄鷄、搏翼

而鳴連達喪車皆置鷄以導魂云道傍有池方數百
畝蓮花已落居人各乘小艇採藻芡蘋藕之物有驅
猪數千頭而去者其驅策之法如牧馬牛而餘里間
連抱柳樹拔倒無數為昨日風雨所拔也行至榛子
店此店素号畜娼康熙嚴禁天下娼妓如楊子江板
橋等處娼樓妓館鞠為茂艸獨此不絕種謂之養閑
的略有首面又會彈吹弄鳳與衆三進入後堂見余
微笑而去余亦會其意遂潛踵其後從戶隙窺之衆
三已樓抱一女而坐盖有病面也有兩少年對椅彈
琵琶又有一女對椅口橫鳳笛鳳咮啣金環、垂紅
色流蘇弄鳳立椅下手拊流蘇又有一女捲簾而出

手持檀板扶弄鳳請坐弄鳳不應簾裡有一老漢披
簾而立向弄鳳道好余遂一聲大咳而唾堂中皆大
驚衆三弄鳳相視而笑即起出戶迎余入看余闔戶
道好老漢及兩少年齊起含笑答好三個養開的皆
稱千福弄鳳指黃襖赤袴女曰彼名柳絲、丙申年
過此時年廿四一色今五年之間顏色頓改無可觀
衆三曰柳絲、擅名自十四歲能唱指黑衣朱袴女
曰彼名么青年今廿五自昨年来此山東女子也余
指黑衣綠袴最少者衆三曰彼則初見不知其名字
年齒三妓雖無分姿色大約唐姪美人畫中所見也
老漢乃館主兩少年皆山東客商余目衆三請其彈

吹象三向少年云、一少年唱獨么青扣檀板和鼓
同唱他妓皆停吹側耳而聽之一少年移坐謂余曰
會否余曰不知少年書示曰此詞曲噯做鷄生州其
詞曰前朝出于英雄拊桃園結義劉關張他三人請
了君師諸葛亮火燒新野博望屯炮打上陽城怨老
天既生瑜又生亮少年頗解文字而面目可憎自言
身是新城人姓王名龍標余問君豈非王西樵士祿
先生後孫否答曰否也俺是民家做賣買少年又唱
一詞諸妓或鼓檀板或彈琵琶或吹鳳笛以和之王
龍標問曰公子會否余曰不會也此名何詞龍標書
示曰此曲噯做踏莎行其詞曰日月牖駒塵埃野馬

東流不盡江河湧向東爭奪名利人百年幾個長存
者柳絲、繼唱曰漁樵冷話是非不在春秋下自斟
自飲自長吟不煩贊歎知音寡共鼓淒絕黯然銷魂
真是果塵自飄象三復請續唱絲、侃眼曰賣菜乎
求益也其少年自鼓琵琶勸絲、續唱其音尤宛轉
窈娜龍標又書曰此曲西江月詞曰螭蛄勿、甲子
蚊蛾擾、山河疾風暴雨夜來過轉眼都無一個么
青繼唱曰且盡尊中美酒間聽月下高歌功名富貴
竟如何莫問收場結果音聲頗厲不如絲、幽怨余
即起身出拜鳳亦隨起拜鳳言象三給館主銀二兩
大口魚一尾扇一柄云尋息菴所觀季文蘭題詩而

不可見矣沿路數千里間婦女語音盡是燕鶯絕不
聞麝屬之聲所謂不識佳人何處在隔簾疑是垂眉
靨常欲一聽其嬌唱今其所唱詞曲雖有文理既不
辨其聲音又不識其腔調反不如未聞時為有餘韻
夕抵豐潤城下主家後門臨濠而開門前數株弱柳
正使丁酉春使還時曾宿此家與書狀申亨仲坐柳
下穩談云下轎即命設席于後門外因與諸裨小酌
濠廣十餘步柳樹陰濃翠地蘸波城上有三簷高樓
縹渺雲霄遂與諸人同入城登覽樓名文昌為祠文
昌星君云路逢楚人林臯同注胡迥恒宅張燈觀次
修所書懋官詩約飯後更來問開城否答云即開未

消半更旋開飯後持燈夏注城門不開我人蓬頭不
笠填咽來往索馬料柴州胡林兩人欣然出迎堂中
已設酒果問李炯菴朴楚亭安好余答皆安林生稱
朴李清曠高妙之士余曰是皆吾之門生雕蟲小技
安足道哉林生曰相門出相將門出將果非虛語也
炯楚兩人折戍戍皇太后進香時過此一宿而去云
林胡開誠欵接而全之文翰胡生面貌不雅多市井
氣林生長髯休々有長者風但酬酢之際不離賣買
胡生為贈松下仙人喆林生亦贈亟扇一柄各以一
扇一丸答之略飲數盃共一對琉璃燈頗佳值夜不
得觀他罷玩余即辭退約以回還更訪林生隔門送

別頗有悵缺之意歸寓出胡生所饋閩薑菊茶橘餅
使張福爛煎和燒酒數盃而飲其味絕佳城外有四
聖廟瓮城內有白衣菴正街上有二牌樓譙樓坐閔
公塑像

二十八日甲辰朝晴午後風雷大作雨勢不如野鷄
地所值自豐閩曉發至高麗堡十里沙河鋪十里趙
家庄二里蔣家庄一里還香河一里一名漁河橋閩
家鋪一里盧姑庄四里李家庄三里沙流河八里中
火共四十里又自沙流河至亮水橋十里良家庄五
里廿里鋪五里十五里屯五里東八里鋪七里龍江
菴一里至田縣七里共四十里是日通行八十里痛

玉田城外玉田古稱幽州古無終國召公所封地正義言召公初封無終後徙薊詩序曰扶風雍縣南有召公亭即召公米邑未知孰是行至高麗堡廬舍皆茅茨最寒儉不湖可知為高麗堡也丁丑被擄人自成一村閑東千餘里無水田而獨此地水種其餅飴之物多本國風古時使价之來下隸所沽酒食或不收其值婦女亦不回避語到故國多有流涕者駟卒輩因以為利多白喫酒食或別討毘服主人以本國舊誼不甚防閑則乘間偷竊以此益厭我人每值使行則閉藏酒食不肯賣買懇要然後乃賣而必討厚價或先捧其價駟卒必百計欺詐以為雪憤互相乖

激視若深讐過此時必齊聲大罵曰你是高麗子孫
你之祖公來了何不出拜堡人亦大罵我人反以此
堡風俗為極惡足為寒心踞逢急雨避雨入一舖中
舖中進茶善待而久不止雷霆亦壯舖之前堂頗廣
中庭百餘步前堂婦女老少五人方染紅扇晒簷下
刷駢一人赤身突入頭上只覆破敗氈笠腰下屢掩
一片布幅非人非鬼猊樣凶惡堂中婦女哄堂啾啾
拋紅都走舖主傾身視之面發赤氣一躍下椅奮臂
出去一掌批頰刷駢曰吾馬方虛氣要賣麥屑你何
故打人舖主曰你們不識禮義豈可赤身唐突刷駢
走出門外舖主憤猶未止冒雨疾追刷駢轉身大罵

捱宵一撲舖主翻橫泥中乃復一腳踏胸而走舖主
動轉不得宛其死矣久而起立肩疼蹣跚而行渾身
黃泥無所發怒還入舖中怒目視余口雖無聲頭勢
不好余視益下而色益莊凜然為不可犯之形久後
和顏謂舖主曰小人無禮甚是衝撞再休掛意舖主
四怒作笑曰慚愧老爺休題兩勢益猛久坐殊鬱舖
主走入前堂撥着新衣携八九歲女子而出囑女叩
頭女之面貌悍惡舖主笑曰此俺第三女俺無有男
子兒老爺寬厚長者情願以此女拜老爺認為義父
余笑曰稟感主人厚義然此事還有不然者俺外國
人此次一去不可復來造次結緣他日相思之苦還

是冤業舖主堅要認為義女余年薛若一認義則回
還時必以京貨給與作為情禮此馬頭輩例事云可
苦且可笑也兩少零涼風乍動遂起出門舖主臨門
揖別頗有怵悵之意遂解給一丸清心舖主再三稱
謝女子足穿烏靴蓋旗下也行至龍江菴、前大樹
下十餘開漢納涼有美兒者又有彈吹方演西遊記
夕抵玉田縣有無終山或云燕昭王墓在此入城裡為
開玩一舖中方咽笙歌遂與鄭進士尋鼓入觀廊廡
下列坐五六少年或吹笙簧或彈絃子轉入堂中有
一人端坐椅上見客起揖容貌頗雅年可五十餘鬚
髯班白以名帖示之點頭而已問其姓名不應四壁

遍揭名人書。至主人起開小龕、中坐奉大玉佛、
後掛小障。至觀音像。題奉昌元年春三月。滁陽邱琛
寫。主人焚香佛前叩頭起。掩龕扉。還就倚書其姓名。
曰沈由朋。蘄州人。字箕霞。號巨川。年四十六。簡默整
暇。余辟起。方出戶。卓上有鑄銅為鹿青翠八骨。高一
尺餘。又數尺。斫屏。垂菊外。傅玻璃。瑤制甚奇巧。西墻下
置碧色花尊。挿一枝碧桃。坐一黑色大蝴蝶。初謂假
造。細玩則乳金石翠果是真。蝶膠脚花上枯已久矣。
壁上懸一篇奇文。鸞紙細書。為格子。奎之橫。竟一壁。
筆又精工。就壁一讀。可謂絕世奇文。余因還座。問壁
上所揭誰人作。所主人曰。不知誰人所作也。鄭君問。

此似是近世文無乃主人先生所題耶沈由朋曰主
人不解文字既無作者姓名不知有漢何論魏晉余
曰然則何從得此沈曰曩於荊州市日叔買余曰可
許膳去否沈首肯曰不妨約持紙更來飯後與鄭君
更往堂中已點兩燭矣余就壁欲解下格子沈招待
者捧下余復問先生所作否沈掉頭曰有如明燭掩
長齋奉佛懺誠謔妄余囑鄭君自中閒起筆余涎頭
寫下沈問先生膳此何為余曰歸令國人一讀當捧
腹軒渠嗔噓絕倒噴飯如飛縫絕纓如拉朽及還寓
點燈閱視鄭之所膳無數誤書漏落字句全不成文
理故略以已意點綴為篇焉

○ 帟叱

帟睿聖文武慈孝智仁雄勇壯猛天下無敵然狔
胃食帟竹牛食帟駁食帟五色獅子食帟於巨木
之岫茲白食帟鼯犬飛食帟豹黃要取帟豹心而
食之搯無骨為帟豹所吞內食帟豹之肝首耳遇
帟則裂而啖之帟遇猛獮則閉目而不敢視人不
畏猛獮而畏帟、之威其嚴乎帟食狗則醉食人
則神帟一食人其俵為屈閣在帟之腋導帟入厨
舐其鼎則主人思饑命妻夜炊帟再食人其俵為
癯兀在帟之輔升而視虞若谷穿弩先行釋機帟
三食人其俵為鵠渾在帟之頤多贅其所識朋友

之名。帝詔張曰：日之將夕，于何取食？屈閭曰：我昔
占之，匪角匪羽，黔首之物，雪中有跡，于踈武瞻
尾在腦，莫掩其尻。彘元曰：東門有食，其名曰醫口
含百艸，肌肉馨香。西門有食，其名曰巫求媚，而神
日沐齊潔，請為擇肉。於此二者，帝奮髯作色曰：醫
者疑也，以其所疑而試諸人。歲所殺常數萬，巫者
誣也，誣神以惑民。歲所殺常數萬，衆怒入骨，化為
金蠶毒，不可食。醫渾曰：有肉在林仁肝，義膽抱忠
懷潔，戴紫履禮，口誦百家之言，心通萬物之理。名
曰碩德之儒，背盎體胖，五味俱存。帝軒眉垂涎仰
天而笑曰：朕聞如何，張交薦。帝曰：一陰一陽之謂

道儒貫之五行相生六氣相宣儒導之食之義者
無大於此帟恢然变色易容而不悅曰陰陽者一
氣之消息也而兩之其內難也五行定位未始相
生乃今強為子母分配醎酸其味未純也六氣自
行不待宣導乃今妄稱財相私顯已切其為食也
無其硬強滯逆而不順化乎鄭之邑有不屑官之
士曰北郭先生行年四十手自校書者萬卷數行
九經之義更著書一萬五千卷天子嘉其義諸侯
慕其名邑之東有義而早寡者曰東里子天子嘉
其節諸侯慕其賢環其邑聚里而封之曰東里寡
婦之間東里子善守寡然有子五人各有其姓五

子相謂曰水北鷄鳴水南明星室中有穀何其甚
似北郭先生也兄弟五人迭窺戶隙東里子請於
北郭先生曰久慕先生之德今夜願聞先生讀書
之數北郭先生整襟危坐而為詩曰鸞鸞在屏耿
耿流螢維蠶維綺云誰之型興也五子相謂曰禮
不入寡婦之門北郭先生賢者也吾聞鄭之城門
壞而有狐穴焉吾聞狐老千年能幻而像人是其
像北郭先生乎相與謀曰吾聞得狐之冠者家致
千金之富得狐之履者能匿影於白日得狐之尾
者善美而人悅之何不殺是狐而分之於是五子
共圍而擊之北郭先生大驚遁逃思人之識已也

以股加頸鬼舞鬼笑出門而跑乃臨野窖穢滿其中攀援出首而望有帟當徑帟輦感嘔吐掩鼻左首而噫曰儒句臭矣北郭先生頓首匍匐而前三拜以跪仰首而言曰帟之德其至矣乎大人效其變帝王學共步人子法其孝將帥取其威名並神龍一風一雲下土賤臣敢在下風帟叱曰毋近前曩也吾聞之儒者諛也果然汝平居集天下之惡名妄加諸我今也急而面諛將誰信之耶夫天下之理一也帟誠惡也人性亦惡也人性善則帟之性亦善也汝千言萬語不離五常戒之勸之恒在四綱然都邑之間無鼻無趾文面而行者皆不遜

五品之人也。然而黜墨斧鉅日不暇給，莫能止其
惡焉。而庖之家自無是刑，由是觀之，庖之性不亦
賢於人乎？庖不食草木，不食蟲魚，不嗜麴蘖，悖亂
之物不忍字，伏細瑣之物不入山獵。麋鹿在野，敗馬
牛未嘗為口腹之累，飲食之訟，庖之道豈不光明
正大矣乎？庖之食麋鹿而汝不疾庖，之食馬牛
而人為之讐焉，豈非麋鹿之無恩於人，而馬牛之
有功於汝乎？然而不有其乘服之勞，惡效之誠，日
充庖厨，角鬣不遺而乃復侵我之麋鹿，使我之食
於山，缺餉於野，使天而平其政，汝在所食乎？所捨
乎？夫非其有而取之，謂之盜殘生而害物者，謂之

賊汝之所以日夜遑遑、揚臂努目、挐攫而不耻甚
者、呼錢為兄、求將殺妻、則不可、屢論於倫常之道
矣、乃屢攘食於蝗、奪衣於蠶、禦蜂而剽、甘甚者蠶
蟻之子、以著其祖考、其殘忍薄行、孰甚於汝
談理論性、動輒稱天、自天所命而視之、則帛與人
乃物之一也、自天地生物之仁而論之、則帛與蝗
蠶、蠶蟻與人並育而不可相悖也、自其善惡而辨
之、則公行剽劫於蜂蟻之室者、獨不為天地之巨
盜乎、肆然攘竊於蝗蜂之資者、獨不為仁義之大
賊乎、帛未常食、酌者誠為不忍於其類也、然而計
帛之食、麋鹿不若人之食、麋鹿之多也、計帛之食

馬牛不若人之食馬牛之多也許席之食人不若
人之相食之多也去年閬中大旱民之相食者數
萬往歲山東大水民之相食者數萬雖然其相食
之多又何如春秋之世也春秋之世樹德之兵十
七報仇之兵三十流血千里伏屍百萬而席之家
水旱不識故無怨乎天雖德兩忘故無忤於物知
命而處順故不惑于巫醫之姦踐形而盡性故不
疚乎世俗之利此席之所以處聖也窺其一班足
以示文於天下也不藉尺寸之兵而獨任爪牙之
利所以耀武於天下也彛貞雖尊所以廣孝於天
下下一目一舉而烏鳶鵙螳共分其餒仁不可勝用

也。設人不食，廢疾者不食，衰服者不食，義不可勝用也。不仁哉！汝之為食也，機穽之不足而為量也。易也，界也，鬻也，罕也，戔也，始結網罟者，哀然首禍於天下矣。有鉞者戮者，是者斫者，公者削者，鍛者鉅者，矜者有礲，鼓焉，祥，隕，華，岳，火，洩，陰，陽，暴，於，震，霆，是猶不足以逞其虐焉。則乃吮柔毫，合膠為鋒，體如棗心，長不盈寸，淬以烏賊之沫，縱橫擊刺，曲者如矛，銛者如刀，銳者如劍，歧者如戟，直者如矢，殼者如弓。此兵一動，百鬼夜哭，其相食之酷孰甚於汝乎？北郭先生離席俯伏，逡巡再拜，頓首頓首。曰：傳有之，雖有惡人，齋戒沐浴，則可以事上帝。下

土賤臣敢在下風屏息潛聽久無所命誠惶誠恐
拜手稽首仰而視之東方明矣席則已去農夫有
朝菑者問先生何早敬於野北郭先生曰吾聞之
謂天蓋高不敢不局謂地蓋厚不敢不踣
蘇岩氏曰篇雖無作者姓名而蓋近世華人悲憤
之作也世運入於長夜而夷狄之禍甚於猛獸士
之無耻者綴拾章句以孤媚當世豈非菽塲之儒
而豺虎之所不食者乎今讀其文言多悖理與胠
篋盜跖同旨然天下有志之士豈非一日而忘中
國哉今清之脚宇綴四世而莫不文武壽考昇平
百年四海寧謐此漢唐之所無也觀其全安扶植

之意殆亦上天所置之命吏也昔人嘗疑於諄、
之天而有質於聖人者聖人丁寧體天之意曰天
不言以行與事示之小子常讀之至此其感滋甚
敢問以行與事示之則用夷變夏天下之大尊也
百姓之冤酷如何馨香腥膻各類其德而神之所
饗何臭故自人所處而視之則華夏夷狄誠有分
焉自天所命而視之則殷周是各從時制何必
獨疑於清人之紅帽哉然是天定人衆之說行於
其間而人天相與之理乃反退聽於氣驗之前聖
之言而不符則輒曰天地之氣數如此嗚呼是豈
真氣數然耶噫 明之王澤已竭矣中州之士自

者數百年枝幹不朽相傳枯樹宋家庄城周二里明
天啓間宋家所築也所謂外郎乃胥吏之別稱而宋
為此地大姓宗族數百人家富饒當明清之際築私
城合宗族為守備城中建三臺高各十餘丈門上建
樓家後建四簷高樓最上層坐金佛龕欄遙望眼界
極闊清人之入也韋家眾保城天下既定不即出降
清人惡之歲罰銀千兩康熙末代輸馬州千束城中
十餘大戶皆宋氏奴婢尚有五百餘人云薊州城邑
民物雄富即京東巨鎮也山上有安祿山廟城中有
三坐石牌樓一樓以金字題大司成下層列書國子
祭酒三代詰贈薊州酒味甲於關東入一酒樓與諸

人暢襟一醉入、獨樂寺正殿額曰慈悲寺後建二簷
樓中立九丈金佛頭上坐數十小金佛樓下有卧佛
窟以錦衾樓扁曰觀音之閣左方小書曰太白或曰
覆衾而卧者非佛也乃李白醉眠之像也有行宮牢
鎖不許觀還寓館則門外賈客雲集持馬驢携者冊
書亟玩亦有弄熊諸戲而弄蛇弄帛者已罷去未
及觀可歎有賣鸚鵡者日已昏不得詳看其毛色方
覓燈之際賣者已去尤為可恨

三十日丙午晴自邦固至別山庄二里曲家庄二里
龍潭子四里一柳河二里現曲子二里胡李庄十里
白幹店二里段家店二里溝沱河五里三河縣五里

東西棗林五里共四十六里中火自棗林至白浮屠
庄六里新店六里皇親店六里要店六里柳河店五
里馬已之六里烟郊堡七里共四十一里是日通行
八十四里宿烟郊堡薊州古漁陽北有盤山危峰削
立皆上豐下纖類盤狀故名盤山一名五龍山嘗讀
袁中郎盤山記多奇勝必欲一登而無伴遊者勢無
奈何山雖峭峻而雄蟠數百里外骨內膚果樹極多
皇城日用棗栗柿梨皆出其中行至漁陽橋路左有
楊妃廟與峰頭祿山祠相對天下有錢者何恨而何
乃設此淫穢之祠以祈冥祐耶詩云求福不回此可
謂浪費錢矣或曰聖人不黜鄭衛之淫詩以存鑑戒

荊州錦屏山石壁刻揚雄斬蒲巧像云白澗店有遊
觀秀才相與胡盧曰安祿山儘是名士其詠櫻桃詩
曰櫻桃一籃子半青一半黃一半寄懷王一半寄周
摯或請以周摯句易懷王為協韻祿山大怒曰肯使
周摯壓我兒耶如此詩人寧可乏祠相與大笑歷入
香林寺佛殿題曰香林菴殿上金字題曰香林法界
康熙皇帝筆也順治之妹早寡為尼居此菴壽逾九
十而歿云菴中所居皆比屋邱也庭中有白幹松二
株高數十丈鱗甲蒼白菴東有小浮屠五坐浮屠左
右有白幹松三株翠滿一庭濤聲送涼店名白澗似
因白幹松而稱焉皇都漸近車馬之聲可謂白日雷

霍沿道左右皆富家墳墓連牆如閭閻牆外引河為
濠門前石橋階為虹空往、為石牌樓濠邊蘆荻中
時繫豈殼小艇橋下處、設魚鬐牆內樹木森陰時
露薨簷或湧出葫蘆頂小憩店中欄外有數十美童
結隊行歌錦袍繡袴玉貌雪膚或鼓檀板或吹笙簫
或彈琵琶聯袂緩唱妍好都冶此等階皇城丐兒遊
市肆中求媚遠地客商一宵共枕或給數百兩銀子
云道傍連簾蔽陽處、設戲有演三國誌者有演水
滸傳者有演西廂記者高聲唱詞彈吹並作千百玩
戲之物擺列賣買皆為孩提片時供玩之資而非但
物料稀奇其製作莫不精巧或觸手破碎而工費不

下數兩紋銀卓上列數萬闕公像橫刀立馬其大總
數寸皆紙造而巧妙入神此是小兒戲具而其多如
此則也可推知眩煌駭惑三官並勞舟渡滹沱河入
三河縣城中尋孫蓉洲有義宅蓉洲已於月前往山
西未還宅在城東閤廟傍五六間草屋可念其貧寒
無應門之童滿簾有婦人之報燕鶯嬌囀縣言其家
夫為人館師迎往山西地獨與一女在家高麗老爺
儼臨敝庄有失迎甫又有唆人之群余出陞軒書幣
置之簾前而去牆缺處立一女子年可十五六皓面
素頰可念孫蓉洲女也三河縣古臨胸

八月初一日丁未朝晴極熱午後乍雨乍止夜大雷

而自烟郊堡曉發至師姑庄五里鄧家庄三里胡家
庄四里習家庄三里路河四里通州二里永通橋八
里楊家閘三里管家庄三里共三十五里中火又行
至三間房三里定府庄三里大王庄三里太平庄三
里紅門三里是里堡三里巴里堡二里新橋六里東
岳廟一里朝陽門一里入西館共二十七里是日通
行六十二里自鴨綠江至皇城統計三十三站為二
千三十里曉發烟郊堡與卞鄭諸人先行、未數里
已平明忽聞震雷轟天路河舟中萬砲聲云朝霞滂
蕩遙看檣頭簇立如茶柳樹上多掛浮槎艸根一旬
前京師大雨路河漲溢壞民廬舍數萬戶人畜漂溺

不計其數今於馬上以烟竹伸臂仰揣柳上水痕距
平地可為數丈至河邊河廣且清舟楫之盛可敵長
城之雄巨舶十萬艘皆垂龍湖北轉運使昨日領到
湖北粟三百萬石試登一船略玩其制度船皆長十
餘丈以鐵釘裝造船上鋪板建層屋穀物皆直馮于
艙艙中屋皆飾以雕欄垂棟文窓繡戶制如陸宅下
庫上樓牌額柱聯帷帘書畫渺若仙居屋上建雙檣
帆則以細藤簾聯幅厚船以鉛粉和油厚塗上加黃
漆所以點水不滲上雨亦無所愛也船旗大書浙江
山東等字沿河百里之間密若竹林南通直沽海自
天津衛會于張家灣天下船運之物皆湊集於通州

不見路河之舟揖則不識帝都之壯也又與三使齊
登一船左右設彩欄屋前設帷帳為棨門左右豎儀
仗旗幟刀鈞戟鋒刃皆木造屋中置一柩前設椅桌
擺列奠具喪人據椅碧紗窓下身披一領綿布衣頭
髮不剃長得數寸如頭陀形不肯與人酬酢前置儀
禮一卷副使前為之揖喪人荅揖稽顙起伏頓首復
坐椅副使要余筆譚余遂書示副使姓名官啣喪人
頓首書曰賤姓秦名璟系是湖北人亡父遊宦京師
官居翰林修撰本年七月初九日身故皇上欽賜土
地歸船返轍故鄉衰麻在身有失主儀副使書問年
甲秦璟不荅副使書問中國皆行三年之制否秦璟

曰聖人緣情制禮不肖者跂而及之副使曰喪制皆
遵朱子否秦璟曰一遵文公窓外斑竹欄干映紗玲
瓏隣船鼓樂喧咽鷗鳥烟雲樓臺之勝透窓映帶沙
堤浩渺風帆出沒悠然忘其為浮家泛宅若寓身闌
闌華堂之間而兼有江湖景物之樂副使四身作西
曰可謂月波亭喪人余亦隱笑正使、人忙邀謂有
可觀遂與副使同起背後撲地嚮顧視則副房裨將
李瑞龜跌顛視人而笑蓋船上鋪板水滑不堪著足
副使方兢、扶擁顧囑未了帶左連右一圍同顛帳
裡四人方授紙牌余就視之皆滿書不可知笑或曰
此名馬吊也既與處列桌擺罷共尊壺觥雖皆現奇

出一門正使與書狀據鋪板俯瞰艙中此是廚房
二個老婦人髻裹白布方鼎熟菜豆芽菁根水芹之
屬更浴冷水有一個處女年可二八佳麗無復見客
少無著澁之態竊窺幽閑執事天然而綢縠如霧皓
腕若蕤似是秦家义髻為具朝饌也船左右遍挿蕉
葉扇書翰林知州正堂布政使皆亡者履歷也江中
處、船遊小艇或張紅繖或設青幔三、五、各踞
短脚椅或坐凳子林上擺列書卷巫軸香鼎茶鎗或
吹鳳笙龍管或據牀作書巫或飲酒賦詩未必盡西
人韻士而閑雅有趣矣下船登岸車馬塞路不可行
既入東門至西門五里之間獨輪車數萬填塞無回

旋處遂下馬入一鋪中其瑰麗繁富已非盛京山海
關之比矣艱穿条路寸、前進市門之扁曰萬艘雲
集大街上建二簷高樓題曰般聞九天城外有三所
倉廩制如城郭上覆尾屋、上建疎窓小閣以洩積
氣牆壁間垂穿傍穴以疎濕氣引河環倉為濠行至
永通橋一名八里橋也長數百丈廣十餘丈虹空高
十餘丈左右設欄、頭坐數百後視雕刻之工類禹
章細鈕橋下舟楫直達朝陽門外復以小船開闢運
漕以入太倉云自通州至皇城四十里間鋪石為渠
鐵輪相搏車般益壯令人心神震蕩不寧沿道左右
盡是墳塋而垣牆相連樹木茂密不見冢形至大王

庄小憩又行路左有三間石牌樓立馬牌樓下觀其
制作乃佟國維塋域也牌樓列刻官誥上層刻廣麗
詔勅遂渡橋入其門左右豎八楞華表上置石獅中
庭築路城高一丈路左右有古松數十株築三層石
臺列豎十三穹碑皆勅樊佟氏三世勲伐國維一名
隆科多其妻何奢禮氏北牆下有六塋一行八墓不
封莎艸上銳下圓以石灰塗滑有黃尾屋數十間丹
青昧黝階級夷倒垂簾朽墮滿堂蝙蝠矢寂無一物
亦不見守者類深山廢刹甚可怪也似是勲戚隆赫
之家今焉無子孫而然歟至東岳廟三使改服整班
如入瀋陽時通官烏林哺徐宗顯朴寶秀等已未候

廟中皆蟒袍繡補項掛朝珠乘馬先導至朝陽門其
制度一如山海關但目不暇視緇塵漲天車載水桶
處灑道使臣直注禮部呈表咨而去余分路與趙
明會先詣館所順治初設朝鮮使邸于玉河西畔稱
玉河館後為鄂羅斯所占鄂羅斯所謂大曼隄子最
凶悍情人不能制遂設會同館于乾魚衚衕都統滿
丕之宅也丕之被戮也家人多自裁故館多鬼魅或
我國別使與冬行相值則分寓西館年前別使先寓
乾魚衕衕錦城尉以冬至使寓於西館去歲乾魚衕
衕會同館失火未及改建故今行又為移寓於西館
噫古史稱書契以前年代國都不可考然自有書契

以來二十一代三千餘年治天下將以何術也豈非
所謂惟精惟一之心法乎故治天下者吾知其有堯
舜氏治水吾知其有禹氏井田吾知其有周公氏
學問吾知其有孔子氏財賦吾知其有管仲氏吾未
知復有幾聖人竭其心思焉幾聖人竭其目力焉幾
聖人竭其耳力焉幾聖人草創之幾聖人闢色之幾
聖人修飾之於二十一代三千餘年書契未造之前
耶群聖人之所以竭其心思耳目艸創闢色修飾者
將以自利乎抑欲與萬世共享其福耶一有心術不
同事業各殊則目之為愚人而未始不凶國害家也
然而其所以竭心思之淫耳目之巧反有過於聖人

則尤為後世之所喜。顯斥其身而暗收其功。陽怒其
人而陰享其利。天下之奇技淫巧由是而日滋矣。夫
瓊其宮而瑤其臺者。豈非所謂築紂乎。夫塹山填谷
築城。萬里者。豈非所謂蒙恬乎。除天下之直道者。豈
非所謂始皇乎。天下之事。非法不立。於此是立法。於
彼徒木棄灰。而以一其制度者。豈非所謂商鞅乎。夫此四
五諸公者。其力量才智精神氣魄。鋪排施設。莫不震
天動地。而未始不欲與群聖人對頭並立乎宇宙之
間矣。不幸首出於書契既造之後。功利之享。獨歸後
人。而身為禍首。長蒙愚夫之名。豈不哀哉。吾人未知
二十一代三千餘年之間。幾築紂。幾蒙恬。幾始皇。幾

商鞅效尤於書契既造之後耶書契既造之後如此則書契未造之前其所損益可知也何以知其然也昔秦皇帝傲罵六國大治阿房前殿傲罵者垂史之為傳摹也六國之士遊說其君未始不比桀罵紂而所謂瓊其宮而瑤其臺者適足為章華金臺之副本則章華金臺未始非阿房之白描耳項羽一炬而燒之蕩為粉地足為後世土木之鑒而其心以為身既不居猶恐他人之來占則彭城之都又將一阿房但未及耳蕭何大治未央宮漢高帝有耳有目而佯若不知及宮既成乃反罵何罵誠是也何不以何徇諸市朝而一炬以焚燒之由是觀之向之所以傲罵

六國大治阿房前殿者未始不為未央宮起幷耳。吾
入朝陽門而可以見夫堯舜精一之心如此也。夏禹
之治水如此也。周公之井田如此也。孔子之學問如
此也。管仲之理財如此也。桀紂之瓊宮瑤臺不過是
法蒙恬之塹山填谷不過是法始皇之除直道不過
是法商鞅之一其制度不過是法何以知其然也。聖
人常同其律度。量衡矣。圓者欲其中規。方者欲其中
矩。直者欲其從繩。則放諸四海而四海準。放諸桀紂
而桀紂準。聖人常治懷山襄陵之水矣。其畚鍤之多
斧鑿之利。工倕之巧。後夫之衆。豈特塹山填谷。築城
萬里而止哉。聖人常盡天下之田而至勾。而計之制

矣其溝澮畝隧之間所謂行車幾乘則其矩方繩正
豈特除道千里之直哉聖人常答門人以為邦之道
矣是特設於其辭而未能躬行之然後世繼天立極
之君未必其學問勝於聖人而一朝能舉而行之亦
奚特中華之族如此哉夷狄之主函夏者未嘗不襲
其道而有之矣衣食足而知禮節則後世之欲富其
國而強其兵者寧冒刻薄少恩之名豈適私利於其
身哉論其心術於危微之際辨其事業於公私之間
則精一之法非彼之謂也然若其功利之享雖其法
之出乎夷狄集其衆長莫不以精一為師也故向所
謂才智力量震天動地者所以成中國之大而二十

一代三十餘年之間成法遺制可得以考焉其建國
之號曰清其設都之府曰順天在天之文曰箕尾之
分在地之志曰禹貢冀州之城高陽氏謂之幽陵陶
唐曰幽都虞曰幽州夏殷曰冀州秦為上谷漁陽漢
初為燕國後分為涿郡又改為廣陽晉唐曰范陽遼
為南京後改為析津府宋改名燕山府金稱燕京尋
改號中都元為大都明初為北平府太宗皇帝徙
都焉改稱順天府今清因而都之城之周四十里左
環滄海右擁太行北枕居庸南襟河濟城門之正南
曰正陽右曰崇文左曰宣武東南曰齊化東北曰朝
陽西南曰平澤西北曰西直北東曰德勝北西曰安

定外城之門有七紫禁城之門有三宮城十七里其
門有四前殿曰太和一人居焉其姓曰愛新覺羅其
種曰女真滿洲部其位則天子也其號則皇帝也其
職則代天蒞物也其自稱曰朕萬國尊之曰陛下出
言曰詔發號曰勅其冠曰紅帽其服曰馬蹄袖其傳
世維四其建元曰乾隆記之者誰朝鮮朴趾源也記
之時維何乾隆四十五年秋八月初一日也

初二日戊申晴昨夜大雷雨震電未及修理所寓處
紙破落曉又風寒微有外感不能飲食朝日衙門齊
會禮部戶部郎中光祿寺官員也米豈五六車搗羊
鷄鵝菜蔬充物外庭該部官列椅而坐肅然無敢喧

詳者正使每日館餽鵝一隻鷄三首猪肉五斤魚三
尾牛乳一鑊豆腐三觔白麵二斤黃酒六壺醃菜三
觔茶葉四兩醬瓜四兩鹽二兩清醬六兩甘藷八兩
醋十兩香油一兩花椒一錢燈油三鑊蠟燭三枝奶
酥油三兩細粉一觔半生薑五兩蒜十頭蘋果十五
箇黃梨十五個柿子十五個晒棗一觔葡萄一觔沙
果十五個燒酒一瓶米二升柴三十觔每三日給蒙
古羊一隻副使書狀每日給羊共一隻鵝各一隻鷄
各一隻魚各一尾牛乳共一鑊肉共三觔白麵各二
觔豆腐各二觔醃菜各三觔花椒各一錢茶葉各一
兩鹽一兩清醬各六兩醬各六兩醋各十兩黃酒各

六壺醬瓜各四兩香油各一兩燈油各一鍾米各二
升蘋果共十五個沙果共十五個黃梨共十五個葡
萄共五觔晒棗共五觔果物則每五日一給副使每
日給柴十七觔書狀每日給柴十五觔大通官三員
押物官二十四員每日給鷄一隻肉二觔白麵一觔
酥菜一觔豆腐一觔黃酒二壺花椒五分茶葉五錢
清醬二兩醬四兩香油四錢燈油一鍾鹽一兩米一
升柴一觔得賞從人三十名每日給肉一觔半白麵
半觔醃菜二兩鹽一兩燈油共六鍾黃酒共六壺米
一升柴四觔無賞從人二百二十一名每日給肉半
觔醃菜四兩醋二兩鹽一兩米一升柴四觔

初三日巳酉晴日出後始開館門遂與時大張福出
館步至瞻雲牌樓下雇一兩太平車駕一驢而行厨
房為給一日之資使時大搜錢置車前銀二兩為錢
二千二百葉時大為車右張福坐車後疾驅至宣武
門制如朝陽門左象房右天主堂出門右轉入琉璃
廠初街有五柳居三字題此屬鈺冊肆也前歲趙官
輩多買此肆津、訛五柳居今過此中如逢故人趙
官臨別又言若尋唐鴛港宗宇先至先月樓其南轉
小衙衙第二門即唐宅云駟車至楊梅書街隅上六
一樓達俞黃圃世琦小話徐文圃瑛陳立齋庭刑在
座皆佳士約進日會此回車入北条路傍金字先日

樓忽映車前此亦冊肆也遂下車與兩隸步至唐宅
若慣踏者門首有三僕迎謂曰老爺叩刻上衙余問
幾時回家答曰叩去酉還一僕請外館齎坐納汗遂
隨入有一踈拙學究出迎姓周忘其名曩聞鴛港有
五子箇、拱猗兒云今兩小童下炕肅揖不問可知
為鴛港子也余問兩兒年齒長十三次十一余曰長
名張友次名張瑤否兩兒俱對曰是也大人何從知
之余曰童子善讀書名聞海外必焉唐家蒼頭擎蕉
葉鐔盤而出慇懃束餉熱茶一椀蘋果三個楊梅湯
一碗蒼頭傳唐家太夫人之言曰往歲朝鮮兩老爺
常、來遊弊庄今無恙否如有帶來清心元願得一

二九余答現今無隨身者後日再來時當持獻也旧
聞唐家老夫人常居東絡山房年八十餘助力尚健
云蒼頭暹指曰太夫人今方出立中門看貴國旋者
衣服也余嫌於直望若不見者以紅紙僧頭扇二柄
及各色詩箋紙分給張友張瑞約旬前再來遂辭起
出門回看唐家老母猶立門中兩丫鬟在傍扶持遙
見其鶴髮覆頂體幹雄健而尚不廢鉛粉珠翠也兩
隸云俄刻唐家諸左右挾持立二庭中老夫人使之
脫衣欲觀其制樣云小人等惶恐不敢仰視辭以日
熱所著只是單衫云爾則使之背立隔立更令眾僕
披拂襟裾而視之出酒食饋之小人等衣服若是破

落可為著耻幾死歸時歷觀四子觀

初四日庚戌晴極熱無異三伏駟車出正陽門過琉璃廠問廠幾間矣有對者曰共有二十七萬間蓋目正陽橫亘至宣武門有五巷而皆琉璃廠海內外貨寶之所居積也余登一樓憑欄而嘆曰天下得一知己足以不恨噫人情常欲自視而不可得則有時乎為大癡猖狂乃以非我觀我而我遂與萬物無異其於遊身恢、乎有餘地矣聖人用是道焉遯世而無問獨立而弗懼孔子曰人不知而不愠不亦君子乎老聃亦云知我者希我其貴矣其不欲使人知我也如此或變其衣服或變其形貌或變其名姓此聖佛

賢豪之所以大玩於世而王天下無與易其樂也當
此之時天下或有一人知我則共迹敗矣然乃若其
情則未嘗不待天下獨有一人知之故堯微服康衢
厥有擊壤擇迦變相厥有阿難太伯文身厥有仲雍
豫讓漆身厥有其友三閭枯槁厥有漁父臨夷五湖
厥有西子張祿間步旅邱厥有項贗子房蒔客圯上
厥有黃石今吾獨立於琉璃殿中而其衣笠天下之
所不識也其鬚眉天下之所初覩也潘南之朴天下
之所未聞也吾於是為聖為佛為賢豪其任如箕子
接輿而將誰與論共至樂乎或問孔子過宋所著何
冠余大笑曰井廩抹髯瞻前忽後魚服豹蔚孰然其

故、曰子在四安敢死論天下知己者唯顏子已矣

東岳廟記

東岳廟在朝陽門外一里土木之壯麗沿路初見盛
京宮殿殆不及此遠甚也對廟門有瓊牌樓以碧色
琉璃甃及正綵琉璃甃築成其璀璨照耀反勝於前
所見石制也廟始建于元延祐中皇明正統時益拓
之廟中仁聖帝炳靈公司命君四丞相像皆元昭文
館大學士正奉大夫秘書監卿劉元所塑元最善搏
掇之法天下無雙今清康熙庚辰三月廟災殿廡皆
燼廟中諸像盡燬于火獨左右道院不焚康熙特發
內帑並令京外大小官員捐助以裕親王監視之閱

數歲始成帝臨幸雍正及今皇帝又被帑修葺第一
殿曰靈昭化育東岳大帝具袞冕侍衛諸神左文右
武榻前設數石金缸貯漆焚四炷罩以鐵網燈前置
一丈金爐焚沉香添燈青從篆烟繪翠沅蘇寶帳金
鈴互動殿宇沉、如夢中也第二殿坐三位女像亦
垂珠旒左右侍立皆女仙第三殿不設像何神而廊
廡列七十二曹三十六獄奇、怪、千態萬狀臺上
所設金寶諸咒多宋元款藏庭中穹碑百餘笏多趙
孟頫所書亦有其弟世延及虞集筆東西第一行碑
皆建黃尾閣上設鼓樓東曰驚音西曰鯨音





